

Հաստատում եմ՝ Զեյնեթ Գ. Գրիգորյան
«Ֆրանս-հայկական մասնագիտական ուսումնական
կենտրոն» հիմնադրամի տնօրեն

« 10 » հուլիսի 2023 թ.

Կ.Տ.



**«Ֆրանս-հայկական մասնագիտական
ուսումնական կենտրոն» հիմնադրամում հարցումների
անցկացման կարգը**

1. Սույն կարգը սահմանում է «Ֆրանս-հայկական մասնագիտական ուսումնական կենտրոն» հիմնադրամում (այսուհետ՝ Հիմնադրամ) հարցումների անցկացման նպատակը, ձևը, պարբերականությունը:
2. Հիմնադրամում հարցումներ իրականացնելը նպատակ է հետապնդում բարելավել կրթության որակը, ինչն իրականացվում է ՊԻԳԲ (պլանավորում, իրականացում, գնահատում, բարելավում) շրջափուլի միջոցով:
3. Հարցումները Հիմնադրամի իրականացրած գործունեության մշտադիտարկման և գնահատման գործիք են:
4. Հարցումների միջոցով հնարավոր է.
 - վերհանել շահակիցների կարիքները,
 - վերհանել շահակիցների բավարարվածությունը Հիմնադրամի ծավալած գործունեությունից,
 - բացահայտել շահակիցների տեղեկացվածությունը Հիմնադրամում իրականացվող գործընթացներից:
5. Հիմնադրամում հարցումներ իրականացնելու նախաձեռնողականություն կարող են ունենալ կրթության որակի պատասխանատուն, Կարիերայի կենտրոնի պատասխանատուն, ուսումնամեթոդական խորհուրդը, որակի ապահովման ուսանողական հանձնաժողովը:
6. Հարցումներ կարող են անցկացվել ինչպես անանուն, այնպես էլ անվանական:
7. Հարցումներ կարող են իրականացվել ինչպես թղթային, այնպես էլ էլեկտրոնային եղանակով:
8. Հարցումներն անցկացվում են տարեկան պարբերականությամբ: Անհրաժեշտությունից ելնելով՝ հարցումներ կարող են անցկացվել ավելի հաճախ:
9. Հարցումների ժամանակացույցը նշվում է որակի ապահովման պատասխանատուի տարեկան աշխատանքային պլանում:
10. Հարցումներ իրականացնելուց առաջ կազմվում է հարցաշար:
11. Հարցաշարի հարցերը նախապես մշակվում են կետ 5-ում նշված միավորների կողմից:
12. Յուրաքանչյուր հարցաշար քննարկվում է որակի ապահովման պատասխանատուի հետ:

13. Հարցաշարում հարցերը շարադրվում են հստակ և նպատակային:
 14. Հարցաշարում կարող են լինել ինչպես բազմակի ընտրության, այնպես էլ շարադրանք պահանջող հարցեր:
 15. Հարցումն իրականացնելուց առաջ հարցման մասնակիցներին ներկայացվում է հարցման նպատակը, հարցաշարի լրացման ձևը:
 16. Հարցումն անցկացնողը (անցկացնողները) և հարցման մասնակիցները պահպանում են հարցման գաղտնիությունը:
 17. Հարցման արդյունքների վերլուծությունն իրականացվում է որակի ապահովման պատասխանատուի կողմից:
 18. Որակի ապահովման պատասխանատուն հավաքագրված որակական և քանակական տվյալները տրամադրում է Հիմնադրամի տնօրենին և հարցումը նախաձեռնող միավորին:
 19. Կատարված վերլուծությունների հիման վրա մշակվում է գործողությունների պլան՝ բարելավման գործընթացներ իրականացնելու նպատակով:
 20. Հարցումները պահպանվում են որակի ապահովման պատասխանատուի մոտ 3 տարի ժամկետով:
- Մույն կարգը ուժի մեջ է մտնում հաստատման պահից: